

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«—» ————— 2016թ.

N -----Ա

ՈՐՈՇՈՒՄ

ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի **605**-րդ հոդվածով և Երևան քաղաքի ավագանու **2015** թվականի դեկտեմբերի **23**-ի «Երևան քաղաքի սեփականություն համարվող գույքն օգտագործման տրամադրելու և օտարման **2016** թվականի ծրագրի վերաբերյալ» N **451**-Ն որոշման հավելվածի **3**-րդ կետով՝

Երևան քաղաքի ավագանին որոշում է.

1.Թույլատրել Երևանի քաղաքապետին՝

1) Երևան համայնքի սեփականություն համարվող հաշմանդամների տրանսպորտային սպասարկման համար նախատեսված թվով **10** հատուկ վերելակային հարմարանքները՝ **38 450 000** (երեսունութ միլիոն չորս հարյուր հիսուն հազար) ՀՀ դրամ հաշվեկշռային արժեքով, նվիրաբերել «Երևանի ավտոբուս» փակ բաժնետիրական ընկերությանը՝ **HIGER-KLQ6770G** մակնիշի ավտոբուսներով շահագործելու նպատակով.

2) Երևան համայնքի սեփականություն համարվող ավտոբուսներում կանգառների անվանման ավտոմատ հայտարարման թվով **37** սարքերը՝ **4 972 800** (չորս միլիոն ինը հարյուր յոթանասուներկու հազար ութ հարյուր) ՀՀ դրամ հաշվեկշռային արժեքով, նվիրաբերել «Երևանի ավտոբուս» փակ բաժնետիրական ընկերությանը՝ **HIGER-KLQ6770G** մակնիշի ավտոբուսներում շահագործելու նպատակով:

2.Առաջարկել Երևանի քաղաքապետին՝ «Երևանի ավտոբուս» փակ բաժնետիրական ընկերության հետ կնքել նվիրաբերության պայմանագիր:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ- ՀԻՄՆԱՎՈՐՈՒՄ

«ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Երևան համայնքի **2015** թվականի բյուջեով նախատեսված ֆինանսական միջոցների հաշվին, **10.07.2015**թ. կնքված N «ԵՔ-ԲԸԱՊՁԲ-15/23» ապրանքների մատակարարման գնման պայմանագրի հիման վրա, «Կամար» ՍՊԸ-ի կողմից ձեռք է բերվել հաշմանդամների տրանսպորտային սպասարկման համար նախատեսված թվով **10** հատուկ վերելակային հարմարանքներ՝ **38 450 000** (երեսունույթ միլիոն չորս հարյուր հիսուն հազար) ՀՀ դրամ հաշվեկշռային արժեքով:

Երևան համայնքի **2015** թվականի բյուջեով նախատեսված ֆինանսական միջոցների հաշվին, **30.04.2015**թ. կնքված N ԵՔ-ԲԸԱՊՁԲ-15/21 ապրանքների մատակարարման գնման պայմանագրի հիման վրա, «Երևան քաղաքի կառավարման տեխնոլոգիաների կենտրոն» ՓԲԸ-ի կողմից ձեռք է բերվել ավտոբուսներում կանգառների անվանման ավտոմատ հայտարարման թվով **37** սարքեր՝ **4 972 800** (չորս միլիոն ինը հարյուր յոթանասուններկու հազար ութ հարյուր) ՀՀ դրամ հաշվեկշռային արժեքով:

Նկատի ունենալով, որ նշված վերելակային հարմարանքները և սարքերը տեղադրվել և շահագործվելու են «Երևանի ավտոբուս» փակ բաժնետիրական ընկերության հաշվեկշռում գտնվող չինական **HIGER-KLQ6770G** մակնիշի ավտոբուսներում, ներկայացվում է սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆԵԼՈՒ ԿԱՊԱԿՑՈՒԹՅԱՄԲ ՊԵՏԱԿԱՆ ԿԱՍ ՏԵՂԱԿԱՆ ԻՆՔՆԱԿԱՌԱՎԱՐՄԱՆ
ՄԱՐՄՆԻ ԲՅՈՒՋԵՈՒՄ ԵԿԱՍՈՒՏՆԵՐԻ ԵՎ ԾԱԽՍԵՐԻ ԷԱԿԱՆ ԱՎԵԼԱՑՄԱՆ ԿԱՍ
ՆՎԱԶԵՑՄԱՆ ՄԱՍԻՆ**

«Գույք նվիրաբերելու մասին» Երևան քաղաքի ավագանու որոշման նախագծի ընդունման կապակցությամբ Երևան քաղաքի բյուջեի եկամուտներում և ծախսերում էական ավելացում կամ նվազեցում չի նախատեսվում:

ՏԵՂԵԿԱՆՔ

**«ԳՈՒՅՔ ՆՎԻՐԱԲԵՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՆՈՐՄԱՏԻՎ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ՄԱՍԻՆ**

«Գույք նվիրաբերելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ